

*Эхэ найхан нутагаа эд хамта мандуулая!*



# БУРЯАД ҮНЭН

1921 оной  
дөхөбрийн 21-нээ  
гарана

*Бүгэдэ  
арадай  
газетэ*

**1996**  
**ОКТАБРИН**  
**16**  
Намарай адаг шара  
нохой  
һарын 4  
**СРЕДА**  
гарагай 4  
**№198 (19538)**  
Газетын сэн  
хэлсээтэ.

**Ургаса хуряалга - 96**

## БАГАШАГ ҮЛӨӨД БАЙБАШЬЕ...

**Хүдөө ажахын шэнжэлэл**

Хэды болотор нарадай дулаан хургууд байхаб, иигээд хүрөө болон гэндэл, нүүлэй үедэ тэжэригнай хаа-яа бүрхэжэ, хүйтэн бороо, нойтон саһахан шэрбээд абадаг боложо байна. Үлөөнэй дарсагар хюруушыё оройн намарыё хануулна.

Тиймээхэ таряагаа хуряажа хүрээгүй байхан ажахынуудыё эдэ бүгэдэ үшөө дахин шандахыень баадхана гээшэ ааб даа. Ушарынь юуб гэхэдэ, Буряад Республикын Хүдөө ажыхан болон эдэе хоолой министрствэе согсологдоһон тоо мэдээн дээрэхэе харахада, байгша оной октябриин 11-нэй байдалаар зарим аймагуудта хуряадаагүй үшөөл 30 шахуу чыган гектар тарьяан үлөөд байлаа. Энэнь адагынь 6-7 үдэрэй хүдэлмэри болоно. Илангаяа Бэшүүрэй, Яруунын, Загарайн, Кабанскын, Хэжэнгын, Хяагтын, Хориин, Мухар-Шэбэрэй аймагуудта тус бүридэнь 2 мянганһаа 4 мянга хүртэгэр гектарай ургаса үшөөл хуряадаагүй байһаар.

Тийхэдэ Ээдын, Захаамнай аймагууд бүри октябриин эхээр таряагаа хуу хуряагаад байһан юм. Тэдэнэй удаа Хурамхаанай, Сэлэнгын, Тарбагатайн, Түхэнэй аймагууд хуряалгаяа баһал дүүргээ.

Республика соо бүхыдөө хуряагдаха, ёһотой 245.324 гектар тарьяанай 218.519 гектарынь мүнөө хадагдаа гэжэ тоологдоно. Тэрээн сооһоо 215.230 гектарай ургаса хуряагдажа, хамтадаа 212.112 тонно орооһон сохигдоо. Энэмнай ехэ гү, али бага гү гээд харабал, үнгэрһэн жэлдэ энэ үедэ 232,3 мянган гектар

тарьяан хуряагдаа, 237,9 мянга үлүүтэй тонно орооһон тоогууд дээрэ ороод байһан.

Энээн дээрэхэе харахада, байгша ондо олонхи аймагуудта ургаса хуряалгын эршэ нёдондойхиһоо доошоо, тарьяанай гарасашыё доогуур байба. Анханай тарьяа ехээр ургуулдаг Мухар-Шэбэрэй, Бэшүүрэй, Хяагтын аймагууд үнгэрһэн хабар-зунай ган гасуурһаа горитой хохидолдо орообо.

Тийбэ яабашыё мүнөө үедэ мүнгэ зөөрийн ходо дутадажа, ороной финансово-экономическа байдалай ехэхэнээр доройтожо байһан хүшэр хүндэ сагта диилэнхи олон ажахынууд ургаса

хуряалгаяа яһала муу бэшээр ябуулжа шадаа гэжэ тэмдэглэхээр. Ехэнхи тарьяан тоог дээрэ оруулагдаба ха юм.

Тэрэшэлэн энэ жэлдэ бүхыдөө 1587 гектарта хартаабха малтагдажа, 8453 тонно ургаса абтаа. Энэнь нёдондойхиһоо 5 мянга гаран тонноор бага. Мүн 809 гектарһаа огородой эдээн абтаха ёһотой хаа, мүнөөдөө 625 гектарайнь ургаса (гол түлэб капуста) хуряагдажа, 6452 тонно овоц абтаа.

Эдэ үдэрнүүдэ ажахынууд тарьяалангай голоомо хуряажа абана, намарай паар хахална.

**Редакциин социально-экономическа таһар.**

### РЕСПУБЛИКЫН АЖАХЫНУУДА ТАРИЯА ХУРЯАЛГЫН ХЭР ДҮҮРГЭГДЭЖЭ БАЙҢАН ТУХАЙ 1996 октябриин 11-нэй мэдээн

Аймагууд	Бүхы тарьяанай хадагда- һан, хуряагдаһаниинь (процентээр)	Гектар бүриһөө абтаһан ургаса (центнерээр)	
		1996 ондо	1995 ондо
Ээдын	100	13,1	11,4
Захаамнай	100	15,6	5,1
Хойто-Байгалай	100	14,9	14,7
Баргажанай	100	10,8	13,0
Хурамхаанай	100	7,9	6,6
Сэлэнгын	100	8,6	6,7
Тарбагатайн	97,2	11,0	11,0
Түхэнэй	95,4	3,6	9,8
Кабанскын	91,7	11,2	15,9
Ивалгын	89,7	8,7	8,1
Яруунын	89,4	9,4	14,6
Мухар-Шэбэрэй	89,3	13,6	11,3
Хяагтын	83,7	7,5	8,5
Бэшүүрэй	82,7	8,0	7,9
Хэжэнгын	75,3	7,6	10,2
Загарайн	72,6	8,7	9,0
Прибайкалиин	71,6	7,8	12,1
Хориин	63,6	9,3	10,7
<b>Республика бүхыдөө</b>	<b>89,1</b>	<b>9,9</b>	<b>10,2</b>

### СТЕКЛОЗАВОДСКОЙ ХУНГУУЛИИН 63-ДАХИ ОКРУГҢОО БУРЯАД РЕСПУБЛИКЫН АРАДАЙ ХУРАЛАЙ ДЕПУТАДАЙ ХУНГАЛТЫН ДУИГУУД ТУХАЙ

Списоктэ оруулагданан хунгагшадтай тоо - 13191.  
хунгалтада хабааданан хунгагшадтай тоо - 5259 -  
38,8 %

**Кандидат бүхэнэй түлөө хунгагшадтай үгэнэн  
дуугай тоо:**

- Егоров Евгений Матвеевич - 603 - 11,83 %
  - Кушмелёв Павел Павлович - 123 - 2,41 %
  - Назаренко Владимир Леонидович - 272 - 5,33 %
  - Павельев Дмитрий Анатольевич - 332 - 6,51 %
  - Түшемилов Михаил Карлович - 3657 - 71,75 %
  - Бүхы кандидаттуудыё буруушаһан - 110 - 2,1 %
- хунгагшадтай эгээл олон дууе абанан М.К.ТүШЕМИЛОВ  
Буряад Республикын Арадай Хуралай депутатадар хунгагдаба.

Буряад Республикын хунгуулин комисси.

### ХЭМЖЭЭНҮҮД ХАРААЛАГДАНА

Буряад Республикын Правительство 1996-1997 онуудай үбэлэй үедэ түмэр замай транспортта хүр саһантай тэмсэхэ талаар захиралта гаргаба.

Хүр саһантай тэмсэлдэ бүхы техникэ, хэрэгсэлнүүдыё бэлэн болгохо, энэ хүдэлмэридэ хабаадаха зоние шухала хэрэгтэй инструментнүүдээр, хубсаһа хунараар, эдэе хоолоор хангаа гэжэ ВСЖД-гэй Улаан-Үдын отделенидэ, мүн БАЖД-гэй Северобайкальска отделенидэ заагдаа.

Хүр саһантай тэмсэлдэ зоние болон транспорт хабаадуулаха талаар хэмжээ ябуулгануудай түсэбүүд батаалагдаа.

**Буряад Республикын Президентын болон Правительствоын хэблэлэй албан.**

**Хүндэтэ уншагшаг!**  
**"Буряад үнэн"**  
**СОНИНОЙНГОО  
1997 ОНОЙ  
Түрүүшын хахад  
Жэлэй захил  
Хэхэеэ шамдым!**

Октябрь һара соо бүхы хүдөөгэйхид, мүн хотодо ажаһуудаг дайнай болон ажалай ветеранууд, инвалидууд, олон хүүгэдтэй гэр бүлынхид иимэ хүнгэлэлтэтэй сэнгээр захил хэхэ аргатай:

**1 һарын - 11010 түх.**  
**3 һарын - 33030 түх.**  
**6 һарын - 66060 түх.**  
Бусад зон хотодо иимэ сэнгээр захиха юм:  
**1 һарын - 14160 түх.**  
**3 һарын - 42480 түх.**  
**6 һарын - 84960 түх.**

*Редакцида ержэ, 30 мянган түхэригөөр хахад жэлэй захил хэхэ болохо юм. Гадна дайнай инвалидууд 15 мянган түхэригөөр захиха аргатай.*

**Хүндэтэ уншагшад! "Буряад үнэнөө" хүнгэлэлтэтэй сэнгээр захиһаа шамдайл даа!**  
Редколлеги.

**"Буряад үнэн-97"**  
**НАМДА ХАБААГҮЙ ГЭЭД  
ҺУУХАГҮЙ**

Гушаад-дүшоод жэлэй саанга юун болоо хэм гэжэ булта мэдэнэбди. Өөһэдтэмнай сэхэ хабаатай бэшэ, юуншыё болог яахамнайб, дээгүүрхи ноёд һайд мэдээ бээ гээд, абья аниргүй ябаһанһаа боложо, буряад хэлэ заалга хургуулинуудта хойшоо түригдэжэ, бүхы дээрээ энэмнай бидэнэй өөһэдын хүдөөр лэ "дэбһэгдэжэ" эхилээ бшуу. Мүнөө болоходо, олохон зонтой, илангаяа залуу үетэнэй түрэл хэлээ оройдоо мэдэхээс болёод байхада, энэндэ зэмтэй хүн яашыё олдохогүй.

Энээнһээ хургаалабахал ёһотойбди гэжэ ханахаар. Өөһэдтэмнай ондоо хэн адууемнай заһажа, зүб харгыда оруулжа үгэхэб.

Иигэжэ хэлэхэдэ, буряад хэлэмнай илангаяа хүдөөгэй зоной дунда огто мартагдашоод байгаа гэнэгүйб. Буряад уран зоһёол, "Буряад үнэн" газетэ уншадаг, тэдээгээр һонирходог зон урда мэтэ уншажа, захил хэхэ абжал байгаа. хургуулинуудташыё үхибүүд буряад хэлэ яһала үзэдэг һааб даа.

Үнинэй амаралтада гаранхайшыё һаа, манай эндэхи хургуулин һурагшад түрэл хэлээ хэр шудалнаб, зомнай "Буряад үнэн" газетэ захижа уншана гү гэжэ ходо һонирходогби. Манай Гэгээтэйн дунда, мүн Бага-Наринай найман жэлэй хургуулинуудта директорнууд Тагьяна Доржиевна Лумбунова, Дара-Сурун Доржиевна Цырепова болон багшанарай оролдолгоор буряад хэлэ шудалха, үхибүүдыё аман үгын, уран зоһёолой дээжэнүүдтэй танилсуулха талаар ехэ юумэн хэгдэнэ гэжэ харахадаа, баясахаар байгша.

Эдэ бүгэдэһөө уламжалан, мүнөө гараха 1997 ондо түрэл хэлэн дээрэмнай хэблэгдэдэг "Буряад үнэн" газетэ захижа абаял, уншял гэжэ зоние, илангаяа нутагайхыидаа уряалха байһанб. Би өөрөө жэл бүхэндэ захидаг ёһоороо шэнэ жэлэй захиһыё хэнхэйб. Гансашыё өөрөө энэ газетэдэ захил хээд байнгүй, арга хургынгаа зэргээр айлуудаар ябажа, зондо захил хүүлэхэ, ушар удхыень хүнүүдтэ ойлгуулла гэжэ оролдоноб. Тийхэдэ огто арсаха хүн байдаггүй. Гансал хашаха юумэнь мүнгэн. Мүнөө намарай сагта орооһо тарьяанай, мяха шүлэнэй элбэгтэ али аргаар тэрэ 60-70 мянган түхэриг оложо, захил хыт даа гэжшэб.

Түгэххэлдөө хэлэхэ юумэмни гэхэдэ, "Буряад үнэн" уншахада яһала һонин болоо. Үшөөшыё һонин болохо гэжэ найдахаар. Гансал заримдаа манай эндэхи зоной хүсэд ойлгохоор бэшэ үгэнүүд айралдадаг. Тиймэ хадань зарим юумэндэ сонгоол, сартуул яряанай хэлэ оруулжа байгаа бэшэхэдэ яаха юм ааб?

**Е. ЦЫБИКОВА,**  
Ээдын аймагай Гэгээтэй нутагта ажаһуудаг ажалай ветеран, үнинэй багша.













